

漢

魏

遺

書

鈔

歌錄

撰人闕

空侯謠俗行蓋亦古曲未詳本末俗傳蔡氏五曲遊春淥水坐愁秋思幽居也

石崇楚妃歎歌辭曰楚妃歎莫知其所由楚之賢妃能立德著勲垂名於後唯樊姬焉故令歎詠聲永世不絕疑必爾也

吟嘆四曲王昭君楚妃歎楚王吟王子喬皆古辭荆王子喬其辭猶存

怨歌行古辭然言古者有此曲而班婕妤擬之

苦寒行古辭

善哉行古辭也古出夏門行曰善哉殊復善絃歌樂

我情然善哉歎美之辭也

燕歌行燕地名猶楚苑之類此不言古辭起自此也

它皆類此

美女篇齊瑟行也

白馬篇齊瑟行也

名都篇齊瑟行也

悲哉行魏明帝造

塘上行古辭或云甄皇后造

日出東門行古辭也

孤子五行古辭曰放歌行

並文選注

按隋唐志御覽俱無此書目不知作者姓名諸類書亦未見稱引今僅從文選注鈔出十四條

漢魏遺書鈔

經翼第三冊目次

六

春秋釋例

漢陳國穎 容著

春秋決事

漢廣川董仲舒著

春秋長麻

晉襄陽杜 預著

春秋盟會圖

漢東海嚴彭祖著

春秋土地名

晉 京相璠著

左傳解詁

漢扶風賈 逵著

左傳解詁

漢滎陽服 虔著

四

賈服異同畧

晉北海孫毓著

左傳述義

隋河間劉炫著

規過

隋河間劉炫著

難杜

魏遼西衛冀隆著

左氏膏肓

鄭氏箴

漢任城何休著

穀梁廢疾

鄭氏釋

漢任城何休著

公羊墨守

鄭氏發

漢任城何休著

春秋公羊穀梁二傳解

晉東平劉兆著

穀梁傳注

魏東海糜信著

穀梁傳例

晉順陽范

甯著

答薄叔玄問穀梁義

晉順陽范

甯著

春秋後傳

晉山陽樂

資著

春秋後語

晉魯國孔

衍著

國語注

漢扶風賈

逵著

世本

漢南陽宋

忠注

右春秋三傳翼二十二種

序錄

隋志漢公車徵士穎容撰春秋釋例十卷

唐志七卷

後漢書儒林傳曰穎容字子巖陳國長平人也博學多通善春秋左氏師事大尉楊賜郡舉孝廉州辟公車徵皆不就初平中避亂荊州聚徒千餘人劉表以爲武陵太守不肯起著春秋左氏條例五萬餘言

經典叙錄亦作條例

杜預春秋左傳集解序曰劉子駿創通大義賈景伯父子許惠卿皆先儒之美者也未有穎子巖者

雖淺近亦復名家故為特舉劉賈許穎之違以見同異

謨案經義考於穎容春秋釋例祇引初學記二條殊為挂漏今從左傳正義鈔出六條又鈔出毛詩正義一條史記注一條水經注二條初學記一條

其一條見御覽五條玉海一條

詩正義

春秋釋例

漢 陳國頴容撰

萬安劉紹錡校

周公朝諸侯於明堂太廟與明堂一體也春秋人君

將出告於宗廟及行策勳獻俘於廟

初學記

太廟有八名其體一也肅然清靜謂之清廟行禘祫

序昭穆謂之太廟告朔行政謂之明堂行饗射養國

老謂之辟廡占雲物望氣祥謂之靈臺其四門之學

謂之太學其中室謂之太室總謂之宮

毛詩疏

公既視朔遂登觀臺以言遂謂之同處視祫之官當

在靈臺之上視之馮相保章所觀亦在靈臺

玉海

周用六代之禮樂故有雲門咸池大韶大夏大護大武也魯受四代之禮樂故不舞雲門咸池示有降殺

也

御覽

龍見五月

左傳桓五年疏引杜預釋例曰月令之書出自呂不韋其意欲為秦制非古典也類

氏因之以為龍見五月五月之時龍星已過於見此為強牽天宿以附會不韋之月令非所據而據既以不安且又自違左氏傳稱秋大雩書不時此秋即顛氏之五月而忘其不時之文而欲以雩祭是言月令不得與傳合也

漆有邾之舊廟

莊二十八年疏引杜預釋例曰若邑有先君宗廟雖小曰都尊其所居而

大之也然則都而無廟固宜稱城城漆是也而頽氏  
維繫於有先君之廟患漆本非魯邑因說曰漆有邾  
之舊廟是使魯人尊邾之廢  
廟與先君同非經傳義也

臣無竟外之交故去弟以貶季友子招樂憂故去弟  
以懲過鄭段去弟唯以名通故謂之貶今此二人皆

書公子公子者名號之美稱非貶辭也

此係昭元年  
疏內杜預釋

例引頽

氏說

蒐于紅不言大者言公大失權在三家也十一年蒐  
于此蒲經書大蒐復云書大者言大衆盡在三家此

昭七年疏引劉

賈頽三家說

再命稱人傳云叔孫昭子三命踰父兄昭公十年昭

子始加三命先此叔孫皆自見經知所書皆再命也

此係昭十二年疏內

杜預釋例引顏氏說

孔子自衛反魯考正禮樂修春秋約以周禮三年文

成致麟麟感而至取龍爲水物故以爲修母致子之

應此係哀十四年疏引  
賈逵服虔類容等說

漢興博物洽聞著述之士前有司馬遷揚雄劉歆後

有鄭衆賈逵班固近卽馬融鄭玄其所著作違義正

者遷尤多聞畧舉一兩事以言之史記不識畢於文

王之子而言與周同姓揚雄著法言不識六十四卦

云所從來尙矣御覽

闕者上有所失下得書之於闕所以求論譽於人故

謂之闕水經注

西城梁門枯水處世之苑穀全上

傳例云楚居丹陽今枝江縣故城是也

史記楚世家正義

麇在當陽

舜居西域本日媯汭

舒有五名舒庸舒龍鳩舒城其實一也

並御覽

趙簡子居晉陽至成公居邯鄲

寰宇記

序錄

隋志董仲舒撰春秋決事十卷

唐志同

文獻通考曰案此卽獻帝時應劭所上仲舒春秋斷獄以爲幾焚棄於董卓蕩覆王室之時者也仲舒通經醇儒三策中所謂任德不任刑之說正心之說皆本春秋以爲言至引正誼不謀利明道不計功以折江都王尤爲聖經賢傳之旨趣獨災異之對引兩觀桓僖亳社火災妄釋經意而導武帝以果於誅殺與素論大相反西山真公論之詳矣

決事比之書與張湯相授受度亦災異對之類耳  
帝之馭下以深刻爲明湯之決獄以慘酷爲忠而  
仲舒乃以經術附會之王何以老莊宗旨釋經昔  
人猶謂其罪深於桀紂況以聖經爲緣飾淫刑之  
具導人主以多殺乎其罪又深於王何矣

困學紀聞曰仲舒春秋決獄其書今不見太平御  
覽載二事其一引春秋許止進藥其一引夫人歸  
于齊通典載一事引春秋之義父爲子隱應仲遠  
謂仲舒作春秋決獄一百三十二事今僅見三事

而已矣

野客叢書曰所謂仲舒決獄二百三十二事世亦罕聞僕觀東晉咸和間賀喬妻于氏上表引仲舒所斷二事姑著於此以資博聞

謨案此書漢志作公羊治獄七錄作春秋斷獄新舊唐書作春秋決獄崇文總目作春秋決事比今從隋志又經義考云藝文類聚引決獄君獵得麋一事今徧檢全書未見此條而別有白帖一條野客叢書二條其一卽通典所載父爲子隱一事因

並鈔錄

春秋決事

漢 廣川董仲舒撰 金谿王光旦校

甲乙與丙爭言相關丙以佩刀刺乙甲卽以杖擊丙  
誤傷乙甲當何論或曰毆父也當梟首論曰臣愚以  
爲父子至親也聞其鬪莫不有怵惕之心扶杖而救  
之罪所以欲詬父也春秋之義許止父病進藥於其  
父而卒君子固心赦而不誅甲非律所謂毆父不當  
坐

甲夫乙將船會海盛風船沒溺流死亡不得葬四月

甲母丙卽嫁甲欲皆何論或曰甲夫死未葬法無許  
嫁以私爲人妻當棄市議曰臣愚以爲春秋之義言  
夫人歸于齊言夫死無男有更嫁之道也婦人無專  
制擅恣之行聽從爲順嫁之者歸也甲又尊者所嫁  
無淫之心非私爲人妻也明於決事皆無罪名不當

坐並御覽

甲爲武庫卒盜強弩弦一時與弩異處當何罪論曰  
兵所居比司馬關入者髡重武備責精兵也弩藥機  
郭弦軸異處盜之不至盜武庫兵陳論曰大車無輓

小車無軌何以行之甲盜武庫兵當棄市乎曰雖與  
弩異處不得弦不可謂弩矢射不中與無矢同不入  
與無鏃同律曰此邊鄙兵所贓直百錢者當坐棄市

帖白

甲無子拾道旁兒乙養爲己子及乙長有罪殺人以  
狀語甲甲藏匿乙甲當何論斷曰甲無子振活養乙  
雖非己出春秋之義父爲子隱子爲父隱甲宜匿乙  
詔不當坐

甲有子乙乞丙乙後長大而彼所成育甲因酒色謂

乙汝是吾子乙怒杖甲二十以乙本是其子不勝其  
忿告於縣官斷之曰甲生乙不能長育以乞丙於義

已絕矣雖杖甲不應坐

並野客叢書

君獵得麇使大夫持以歸大夫道見其母隨而鳴感  
而縱之君愠議罪未定君病恐死欲托孤幼乃覺之  
大夫其仁乎遇麇以恩况人乎乃擇之以爲子傅子

議何如白孔六帖

原缺

春秋長曆

晉 襄陽杜預撰

宜黃鄒 瑛校

書稱朞三百六旬有六日以閏月定四時成歲九釐  
百工庶績咸熙是以天子必置日官諸侯必置日御  
世修其業以考其術舉全數而言故曰六日其實五  
日四分之一日一日行一度而月行十三度十九分  
度之七有畸日官當會集此之遲疾以考成晦朔錯綜  
以設閏月閏月無中氣而北斗斜指兩辰之間所以  
異于他月也積此以相通四時八節無違乃得成歲

其微密至矣得其精微以合天道則事叙而不悖故傳曰閏以正時時以作事事以厚生生民之道於是乎在然陰陽之運隨動而差差而不已遂與厯錯故仲尼正明每於朔閏發文蓋矯正得失因以宣明厯數也桓十七年日食得朔而史闕其日單書朔僖十五年日食而史闕其朔與日故傳因其得失竝起時史之謬兼以明其餘日食或厯失其正也莊二十五年經書六月辛未朔日有食之鼓用牲于社周之六月夏之四月所謂正陽之月也而時厯誤實是七月之朔

非六月故傳曰非常也唯正月之朔慝未作日有食之於是乎有用幣于社伐鼓于朝此非用幣伐鼓常月因變而起厯誤也文十五年經文皆同而更復發傳曰非禮明前傳欲以審正陽之月後傳發例欲以明諸侯之禮也此乃聖賢之微旨先儒所未喻也昭十七年夏六月日有食之而平子言非正陽之月以誣一朝近于指鹿爲馬故傳曰不君君且因以明此月爲得天正也劉子駿造三統厯以修春秋春秋日食有甲乙者三十四而三統厯唯得一日食厯術比諸家

既最疎又六千餘歲輒益一日凡歲當累日爲次而無故益之此不可行之甚者班固前代名儒而謂之最密非徒班固也自古以來諸論春秋者多述謬誤或造家術或用黃帝以來諸厯以推經傳朔日皆不得諧合日食于朔此乃天驗經傳又書其朔日食可謂得天而劉賈諸儒說皆以爲月二日或三日公遠聖人明文其弊在于守一元不與天消息也余感春秋之事嘗著厯論極言厯之通理其大指曰天行不息日月星辰各運其舍皆動物也物動則不一雖行度

大量可得而限累日爲月以新故相序不得不有毫  
毛之差此自然理也故春秋日有頻且而食者有曠年  
不食者理不得一而算守恆數故厯無不有差失也  
始失于毫毛而尙未可覺積而成多以失弦望朔晦  
則不得不改憲以從之書所謂欽若昊天厯象日月  
星辰易所謂治厯明時言當順天以求合非爲合以驗  
天者也推此論之春秋二百餘年其治厯變通多矣  
雖數術絕滅還尋經傳微旨大量可知時之違謬則  
經傳有驗學者固當曲循經傳月日日之食以考朔

晦也以推時驗而皆不然各據其學以推春秋此無異度已之迹而欲削他人之足也余爲厯論之後至咸寧中善算李修夏顯依論體爲術名乾度厯表上朝廷其術合日行四分之數而微增月行用三百歲改憲之意二元相推七十餘歲承以強弱強弱之差蓋少而適足以遠通盈縮時尙書及史官以乾度與太始厯參校古今記注乾度厯殊勝今其術具存時又并考古今十厯以驗春秋知三統厯之最踈也今具列其時得失之數又據經傳微旨證據及失閏旨

考日辰朔晦以相發明爲經傳長厯諸經傳證據及  
失閏時文字謬誤皆甄發之雖未必其得天蓋春秋  
當時之厯也學者覽焉

序錄

隋志漢太子太傅嚴彭祖撰古今春秋盟會地圖一

卷七

唐志嚴彭祖  
春秋圖七卷

經典序錄曰漢興齊人胡毋生趙人董仲舒並治  
公羊春秋仲舒授東平嬴公嬴公守學不失師法  
授東海孟卿及魯眭弘弘授嚴彭祖及顏安樂由  
是公羊有嚴顏之學彭祖字公子東海下邳人爲  
博士至左馮翊太子太傅

曝書亭集曰言春秋者則有若京相璠之土地名

楊湜鄭樵之譜張洽之表外如嚴彭祖之圖專紀  
會盟則圍伐滅取土地之見遺者多矣羅泌專紀  
國名則郡縣之失載者又多矣

春秋地名考序

謨案隋志此書久亡宜無傳本而羅泌路史國名  
紀猶引盟會圖十五引盟會圖疏八引春秋圖四  
內惟平止與清二條涉盟會餘皆地名國名又多  
唐以後州名或卽嚴氏本書而唐以後人疏之也  
羅氏援据極博未能悉究故仍其目鈔出二十七  
條

春秋盟會圖

漢 東海嚴彭祖撰

翟北地古翟國後徙西河今慈州

舒蓼國在光州

菟裘充之泗水縣

豐鎬相去二十五里

堂谿在豫之鄆城

胡姬姓國在豫之鄆城

褒姒國在梁州褒城縣漢之褒中

汝之魯山有故應城今在葉有應鄉

充國周公後所封

謝城在充之龔止與姜任二謝異

南宮氏國即冀之南宮縣

密周圻內國宣王滅之

宣當作共

驪商時國在雍之新豐

魏羸姓國

並盟會圖

潁國在潁州

光國在光州

同國在同州

並春秋圖

臯落在潞州今絳之垣縣西北六十里故臯落城是  
世曰倚薄

邵炎帝之後周弃外家

都卽若水昌意國今越嶲之臺登

偃城在豫州

邳子國在安州

芊姓古南越國在廣州

虞邑在洛之嵩陽

平州在汾州介休西並盟會圖疏

清在二一在鄆隱四年遇於清者一在濮宣十二年

晉宋盟清止者春秋圖

宣王子封謝止盟會圖

序錄

隋志晉裴秀客京相璠等撰春秋土地名三卷

水經注曰京相璠與裴司空彥季修晉輿地圖作春秋土地名

通志藝文畧曰京相璠春秋土地名見於村野地名譜桑欽水經注

謨案左傳正義所引土地名乃杜預春秋釋例中篇目與京相璠春秋土地名自有詳畧非一書也今故分別注釋凡鈔出水經注共九十條此外若

史記注引璠書二條與水經注小異惟路史國名  
紀引璠書二條不見水經注未詳所出仍附入本  
條

春秋土地名

晉 京相璠著

萬載郭樹芝校

制

隱元年傳制巖邑也

鄭地 釋例土地名云制號二名滎陽故號國

向

隱二年經莒人入向

沛國縣今并屬譙國龍亢也

釋例土地名同

石門

隱三年經齊侯鄭伯盟于石門

齊地今濟北盧縣故城西南六十里有故石門去

水三百步蓋水瀆流移故側岸也

釋例土地名云在盧縣故城西

南濟水以

石為門

清

隱四年經公及宋公遇于清

今濟北東阿東北四十里有故清亭

釋例土地名同即春

秋所謂清者也

濮

隱四年經衛人殺州吁于濮

濮水故道在濮陽南

釋例土地名闕

成

隱五年經衛師入成公羊傳作盛

東郡廩丘縣南三十里有故廊都又岡縣西南有

盛鄉城

釋例土地名云東平剛平縣西南有廊鄉

長葛

隱五年經宋人  
伐鄭圍長葛

長社縣北有長葛鄉

釋例土  
地名同

鉏

按此地名不見經傳釋例土地名亦闕今從春秋隱七年戎伐凡伯于楚正經文附列于此

今濮陽城西南十五里有鉏正城六國時鉏楚同

以為楚正非也

垂

隱八年經宋公  
衛侯遇于垂

今濟陰句陽縣小成陽東五里有故垂亭

釋例土  
地名同

釐

隱十一年經公會鄭伯于時來傳作邾  
杜注滎陽縣東有釐城鄭地也釐音來

今滎陽縣東四十里有故釐城

釋例土  
地名同

隰

隰十一年傳與鄭人蕪忿生之田温原絺樊隰邨攢茅向盟州陘隰懷

在懷縣西南

釋例土地名云隰邨二名河內懷縣西南有隰城

攢茅

見上

河內修武縣北有故隰城實中今世俗謂之皮塏

方四百步實中高八丈際陂北隔水一十五里俗

所謂蘭正也方二百步西一十里又有一正際陂

世謂之勅正方五百步形狀相類疑即古攢茅也

釋例土地名云汲郡修武縣北有攢城

向

見上

或云河內軹西有地名向今無釋例土地名同

莘桓十年傳使盜待諸莘

今平陽陽平縣北一十里有故莘亭道阨限蹊要

自衛適齊之道也釋例土地名關

葵丘莊八年傳齊侯使連稱管至父戌葵丘

齊西五十里有葵丘地釋例土地名同

鄆按此地名不見經傳釋例土地名亦闕或以爲卽葵丘姑附于此

河內山陽西北六十里有鄆城

貝丘莊八年傳齊侯田于貝丘

博昌縣南近繩水有地名貝工釋例土地名同

乾時莊九年經秋八月及齊師戰于乾時

今樂安博昌縣南界有時水西通濟其上源出盤

陽北至高苑下有死時中無水釋例土地名云時水在樂安界岐流

旱即竭涸故曰乾時

瀧水按此水名不見經傳釋例土地名亦闕據水經注即袁水入時水當屬齊地故附于此

濟南梁鄒縣有袁水

涿莊九年經冬浚涿

涿水在魯城北浚深之為齊僂也釋例土地名云出魯國東北西

南入沅水

下入泗

遂

莊十二年經齊人滅遂

遂在虵丘東北十里今濟北有虵丘城城下有水

魯固也俗謂之濁須水非矣

釋例土地名云濟北虵丘縣東北有遂鄉

大陵

莊十四年傳鄭厲公獲傅瑕于大陵

潁川臨潁縣東北二十五里有故巨陵亭古大陵

也

釋例土地名閱

郟

莊二十八年經冬築郟

公羊傳謂之微在東平壽張縣西北三十里有故

微鄉魯邑也

釋例土地名闕○案路史國名紀注引璠云微子國也

桐丘

莊二十八年傳鄭人將奔桐丘

今國無而城見存西南去許昌故城可三十五里

俗名之曰隄其城南卽長隄因洧水之北防也西

面桐丘其城邪長而不方蓋馮丘之稱卽城之名

矣

釋例土地名云潁川許昌縣東北有章丘亭

滎澤

閔二年傳衛及狄人戰于滎澤

在滎陽縣東南與濟隧合

釋例土地名闕言戰而及河則非河南滎澤

冀

僖二年傳冀爲不道

今河東皮氏縣有冀亭古之冀國所都也

釋例土地名云

平陽皮氏縣

東北有冀亭

無棣

傳四年傳北至于無棣

舊說無棣在遼西孤竹縣

釋例土地名闕

須句

傳二十二年經公伐邾取須句公羊傳作須胸

須句一國二城兩名蓋遷都須昌胸是其本秦以

爲縣

釋例土地名云東平須昌縣西北有須胸

五鹿

傳二十三年傳晉文公出于五鹿

今衛國縣西北三十里有玉鹿地

釋例土地名云陽平元城縣東

亦有五鹿

桑泉曰衰

僖二十四年傳晉文公濟河圍合狐入桑泉取曰衰

並在解東南

釋例土地名云河東解縣西有桑泉城東南有曰城

雍

僖二十四年傳邽雍曹滕

今河內出山陽西有故雍城

釋例土地名同

邠

僖二十四年傳邠晉應韓

今河內野王縣西北三十里有故邠城

釋例土地名同邠

臺是也又有亭在臺西南三十里

召

僖二十四年傳召穆公

亭在周城南五十里後漢郡國志曰鄆縣有邵亭

一作謂此也釋例土地名云扶風

邵亭雍縣東南有邵亭

甘傳二十四年

或云甘水西山上夢汁疑作廣澗而平有故甘城在河

南城西二十五里指謂是城也今河南河南縣有

甘水北入洛釋例土地名云河南縣西南有甘水

坎飲傳二十四年傳王遂出及坎飲

鞏東地名坎飲釋例土地名同在洞水東

襄城傳二十四年傳王出適鄭處于汜水經注云卽此城也

周襄王居之故曰襄城也今置闕於其下

釋例土地名云

此南汜也

宛濮

僖二十八年傳寧武子與衛人盟于宛濮

衛地也似非闕苑而不知其所

釋例土地名云陳留長垣縣西南有

宛亭近濮水

翟泉

僖二十九年經會王人盟于翟泉

今大倉西南池水名狄泉舊說狄泉本在洛陽北

其弼城成周乃繞之

釋例土地名云河南洛陽新城縣北大倉南池

瑕

僖三十年傳許君焦瑕

今河內解縣西南五里有故瑕城

釋例土地名

垂隴

文二年經公孫敖會晉士穀盟于垂隴

鄭地今滎陽東二十里有故隴城

釋例土地名同即此是

也世謂之都尉城蓋滎陽典農都尉治故變垂隴

之名矣

承匡

文十一年經叔仲彭生會晉卻缺于承匡

今陳留襄邑西三十里有故承匡城

釋例土地名同

周首

文十一年傳齊王子成父獲其弟榮如埋其首于周首之北門

今濟北所治盧子城故齊周首邑也

釋例土地名云濟北穀城

縣東北有

周首亭

文十二年經季孫行

父帥帥城諸及鄆

鄆

瑯邪姑幕縣南四十里員亭故魯鄆邑世變其字

非也釋例土地名云鄆田二名此東鄆莒魯所爭者城陽姑幕縣南有員亭或曰鄆即員也

釋

文十三年傳邾文公卜遷于釋

地理志嶧山在鄒縣北釋例土地名同釋邑之所依為名

也

邠

垂文十七年經周甘駁敗戎于邠垂

舊說邠垂在高都南今上黨有高都縣釋例土地名云河南

新城縣北  
有垂亭

申池

文十八年傳齊  
懿公遊于申池

申門即齊城南面西第一門外為申池

釋例土地  
各云或曰

齊城南面西頭第一門名申門  
齊城無池唯此門左右有池

北林

宣元年傳楚蔣賈  
救鄭遇于北林

今滎陽宛陵縣有故林鄉在新鄭北故曰北林

釋例

土地各云今申  
牟縣西有林亭

郊鄆

宣二年傳成王定鼎于  
郊鄆杜注今河南也

郊山名鄆地邑也

史記周紀正義引京  
相璠地名云鄆邑名

十年定鼎

為王之東都謂之新邑是為王城其城東南名曰

崑門蓋九崑所從入也故謂是地為崑申楚子伐

陸渾之戎問崑于此釋例土地名云河南縣西有邾鄆陌也

辰陵

宣十一年經楚子陳侯鄭伯盟于辰陵

潁川長平有故辰亭

釋例土地名云在長平東南

邲

宣十二年經晉荀林父帥師及楚子戰于邲

在敖北

釋例土地名闕

清正

宣十二年經晉人宋人衛人曹人同盟于清正

在今東郡濮陽縣東南三十里魏都尉治

釋例土地名同

茅成元年經王師  
敗績子茅戎

今高平縣西三十里有故茅鄉城釋例土地名云  
河內大陽縣西

有茅亭

華泉成二年傳  
將及華泉

地名卽華不注山下泉水也釋例土地名闕

瑕成十六年傳  
楚師還及瑕

楚地北釋例土地名闕

郟成十六年傳  
公還待于郟

公羊作運字今東郡廩丘縣東八十里有故運城

卽此城也

釋例土地名云此西鄆昭公所出居東郡廩丘縣東有鄆城

而彭襄三年傳

今臨淄唯有濇水西北入洙卽地理志所謂如水

矣而如聲相似然則濇水卽而水也

釋例土地名闕

斟襄四年傳使澆帥師滅斟灌及斟尋

故斟尋國禹後西北去灌亭九十

當作九里○釋例土地名云樂

安壽光縣東南有灌亭

北平壽縣東南有樹亭

相襄十年經公會晉侯宋公會吳于相

宋地今彭城偃陽縣西北有相水溝去偃陽八十

里東南流逕偃陽縣故城東北

杜注楚地○釋例  
土地各闕或曰彭

城傳陽縣西北有相水溝魯國薛縣西南有相亭  
譙國攢縣治戲鄉皆去鍾離五百餘里非諸侯六  
日載會所至也或曰汝南安城縣西南有鍾離亭  
西平縣北有相亭去偃陽近千里又非自會九日

之所能波  
國皆非也

濟

襄十一年傳諸侯  
伐鄭百濟于濟隧

鄭地也言濟水滎澤中北流至恒雍西與出河之

濟會南去新鄭百里斯蓋滎播河濟往往逕通矣

出河之濟卽陰溝之上源也濟隧絕焉故世亦或

謂其故道爲十字溝

釋例土  
地名闕

楊梁

襄十二年傳楚子囊秦戌長無地伐宋師于楊梁

宋地今睢陽東南三十里有故楊梁今日楊亭也

釋例土

地名同

湛阪

襄十六年傳楚公子格帥師及晉師戰于湛阪

昆陽縣北有蒲城蒲城北有湛水者是也

釋例土地各云

湛水東

人汝

梗陽

襄十八年傳梗陽之丞

晉邑也今太原晉陽縣南四十里榆次界有梗陽

地釋例土地各云存

晉陽縣南陽城

平陰襄十八年傳齊侯禦諸平陰 塹防門而守之廣里

齊地也在濟北盧縣故城西南釋例土地各作東北 十里平

陰城南有長城東至海西至濟河道所由名防門

去平陰三里齊侯塹防門即此也其水引濟故瀆

尚存今防門北有光里齊人言廣音與光同即春

秋所謂守之廣里者也

巫山襄十八年傳齊侯登巫山以望晉師

在平陰東北釋例土地各云濟北盧縣東北

澗水襄十九年經公至自澗 伐田取邾田自澗水

薛縣澗水首受菴縣西注山陽胡陸是也釋例土地名云

出東海合鄉縣西南經魯

國至高平胡陸縣入泗

武城

襄十九年經城武城

今泰山南武城縣有澹臺子羽冢縣人也

釋例土地名同

高唐

襄十九年傳衛奔高唐以叛

本平原縣齊之西鄙也

釋例土地名云濟南祝阿縣西北高唐城

少水

襄二十三年傳封少水

晉地今沁水也

釋例土地名闕

羊角高魚

襄二十六年傳齊烏餘以稟丘奔晉襲衛羊角取之遂襲我高魚

衛地也今東郡廩丘縣南有羊角城今魯邑也今

廩丘東北有故高魚城俗謂之交魚城謂羊角為

角逐城皆非也

釋例土地名云羊角衛地高魚魯地餘並同

三塗

昭四年傳四嶽三塗

山名 釋例土地名云河南陸渾縣南山名或曰三塗伊闕太谷轅轅三道也傳曰晉將伐陸渾

而先有事于洛與三塗先祭山川也謂三道者非也

索氏

昭五年傳鄭子皮于太叔勞諸索氏

京有小索亭世語以為本索氏兄弟居此故號小

索者也

項羽本紀注引京相璠地名云京縣有大索亭小索亭大小氏兄弟居之故有小大

之號○釋例土地各云河

南城阜縣東有大索城

夸漢西田

昭九年傳楚然丹遷城父人于陳以夸漢西田益之

以夸之漢西田益也

釋例土地各云夸漢本陳地也

申人

昭十三年傳晉荀吳侵鮮虞及中人

今中山望都西二十里有故中人城

釋例土地各云鮮虞地也

鼓

昭十五年傳晉荀吳帥師圍鼓

白狄之別種鉅鹿下曲陽有鼓聚

釋例土地各云鼓子地名

國也

聊攝

昭二十年傳聊攝以東

平原有郟城縣東北三十里有故攝城

釋例土地名同

郟

昭二十二年傳郟盱伐皇

今鞏洛渡北有郟谷水東入洛謂之下郟

太原寰宇記引

此條郟俱作薄故有下郟上郟之名亦謂之比郟於是

有南郟北郟之稱矣又有郟城蓋周大夫郟盱之舊

邑

釋例土地名云河南鞏縣西南有地名郟中也

前城

昭二十二年傳晉箕遺樂徵右行詭濟師取前城

今洛陽西南五十里伊闕外前亭矣

釋例土地名闕

湟

昭二十三年傳王子猛居于湟

昔城北三里有黃亭即春秋所謂次于黃者也釋例

土地名云河內

鞏縣南有黃亭

蕩

昭二十三年傳司馬蕩越縊于蕩

水際及邊地名也禹貢曰道漢水過三澨春秋傳

有句澨雍澨及此而三

釋例土地名闕

窮

昭二十七年傳楚救澨與吳師遇于窮

今安豐有窮水北入淮

釋例土地名闕

沙汭

昭二十七年傳楚令尹子常以舟師及沙汭而還

楚東地也

杜注沙水名也釋例土地名闕

養昭三十年傳楚逆吳公子使居養

在襄城郟縣西南養水名也俗以是水為沙水故

亦名之為沙城非也釋例土地名闕○案路史國名紀引璠云由基之邑

柏舉定四年經吳楚戰于柏舉

漢東地矣夏有汜水或作舉疑即此也釋例土地名闕

大別定四年傳自小別至于大別

漢東山名也在安豐縣南釋例土地名闕或曰大別在安豐縣西南傳曰

吳無與楚夾漢然後楚乃濟漢而陳自小別至于大別然則二別在江夏界近漢之名無緣反在安

豐

負黍

定六年傳  
鄭伐負黍

在潁川陽城縣西南二十七里世謂之黃城也

釋例

土地  
名同

鐵上

哀二年傳衛太子為右登  
鐵上望見鄭師自投車下

鐵上名也

釋例土地名云  
城城南有鐵上

少習

哀四年傳將  
通于少習

楚通上洛阨道也

釋例土地名云  
上雒商縣武關

霍

哀四年傳楚  
使梁及霍

霍陽山在周平城東南者也

釋例土地名云河南  
梁縣南有霍陽聚

豐析

哀四年傳楚司馬起豐析與狄戎

南鄉浙縣有故鄆鄉

釋例土地各同

春秋所謂鄆浙也

闡

哀八年經齊人取謹及闡

岡縣西十里有闡亭

釋例土地各云東平岡平縣西北闡鄉城

序錄

隋志漢侍中賈逵撰春秋左氏長經二十卷春秋左

氏解詁三十卷

唐志同

後漢書本傳曰賈逵字景伯扶風平陵人父徽從

劉歆受左氏春秋兼習國語周官逵悉傳父業弱

冠能誦左氏傳兼通五家穀梁之說尤明左氏傳

國語為之解詁五十一篇

左氏三十篇國語二十一篇

永平中

上疏獻之顯宗重其書為藏秘館建初元年詔逵

入講北宮白虎觀南宮雲臺帝善逵說使出左氏

傳大義長於二傳者逵於是擿出左氏三十事帝  
嘉之令逵自選公羊嚴顏諸生高才者二十人教  
曰左氏永元三年曰逵爲左中郎將八年復爲侍  
中甚見信用逵所著經傳義詁及論難百餘萬言  
學者宗之稱爲通儒卒年七十二

謨案文獻通考此二書已不著錄故經義考並入  
佚書今抄出左氏釋文二條左傳疏一百三十條  
尙書疏一條毛詩疏五條周禮疏二條禮記疏一  
條史記注一百八十八條都爲一卷

春秋左氏傳解詁

漢 扶風賈逵撰

南城會 補校

春秋春為陽中萬物以生秋為陰中萬物以成欲使人君動作不失其中也

孔子覽史記就是非之說立素王之法

是以隱公立而奉之 隱立桓為太子奉以為君

隱公元年 春王周正月不書即位攝也 隱莊閔僖四公

皆實即位孔子修經乃有不書

三月公及邾儀父盟于蔑 儀父嘉隱公有至孝謙

讓之義而與結好故貴而字之善其慕賢說讓

生莊公及其叔段 共諡也諡法敬長事上曰共並正

義

請京使居之 京鄭都邑

太叔出奔共 共國名

遂寘姜氏于城穎 城穎鄭地

考叔為穎谷封人 穎谷鄭地並史記鄭世家注

眾父卒公不與小歛故不書日 不與大歛則不書

卒

二年無駭帥師入極 極戎邑也 並正義

三年石碯諫莊公 石碯衛上卿 衛世家注

四年庚戌衛州吁弑其君完 弑君取國故以國言之

不稱公子 正義

洧殺州吁于濮 濮陳地

衛人逆公子晉於邢 邢周公之后姬姓國 並衛世家注

五年春公矢魚于棠 棠魯地是陳漁而觀之 魯世家注

六年冬宋人取長葛 長葛不繫鄭者刺不能撫有其

邑 服注

八年先配而後祖 配為成夫婦也禮齊而未配三月

廟見然後配

十一年周之宗盟異姓為後 宗尊也

夫許太岳之胤也 四岳官名太岳也主四岳之祭

並正義

公祭鍾巫 鍾巫祭名也 魯世家注

桓公二年宋殤公立十年十一戰 一戰伐鄭圍其東門

二戰取其禾三戰取邾田四戰邾鄭伐宋入其郛

五戰伐鄭圍長葛六戰鄭以王命伐宋七戰魯敗

宋師于菅八戰宋衛入鄭九戰伐戴十戰鄭入宋

十一戰鄭伯以虢師大敗宋

宋世家注

清廟茅屋

肅然清靜謂之清廟

毛詩疏

哀侯侵陘庭之田

陘庭翼南鄙邑名

晉世家注

三年春正月公會齊侯于贏 不書王弑君易祊田成

宋亂無王也元年治桓二年治督十年正曹伯十

八年終始治桓

有年 桓惡而有年豐異之也言有非其所宜有並

義

韓萬御戎 韓萬曲沃桓叔之子莊伯弟 晉世家注

五年 旂動而鼓 旂為發石 一曰飛石 范蠡兵法有依

飛石事

秋大雩 言大別山川之雩 並正義

六年 楚武王侵隨 姬姓也 楚世家注

十二年 宋雍氏女於鄭莊公曰雍姑 雍氏黃帝之孫

姑姓之后為宋大夫

十五年 使其壻雍糾殺之 雍糾鄭大夫 並鄭世家注

十七年 秋八月癸巳葬蔡桓侯 桓卒而季歸無臣子

之辭也故不稱公正義

十八年魯世家注公與姜氏如齊申繻曰申繻魯大夫

周公欲弑莊王而立王子克辛伯告王子克莊王

弟子儀也辛伯周大夫周本紀注

莊公元年莊公夫人孫于齊桓公之薨至是年三月期而小

祥公憂思少殺念及于母以其罪重不可以反之

故書孫于齊耳其實先在于齊本未歸也毛詩疏云賈服

同

三年正義引釋例云此與叔孫救晉次于冬公次于滑雍齊桓次于聶北救邢賈氏皆即以

爲善

次

六年春王正月師次于郟以俟陳人蔡人 陳蔡欲伐

魯故待之正義

齊侯游于姑棼 姑棼齊地也

公孫無知虐于雍廩 雍廩渠丘大夫也並齊世家注

九年夏公伐齊納子糾 不言公子次正也

齊小白入于齊 齊大夫求迎子糾公不亟遣而盟

以要之齊人歸迎小白

九月齊人取子糾殺之 稱子者愍之並正義

殺子糾于生竇 生竇魯地句竇也

及堂阜而稅之 堂阜魯北境

管夷吾治于高傒 齊正卿高敬仲也 並齊世家注

十一年荆敗蔡師于莘 秦始皇父諱楚而改爲荊州亦

以其居荊州故因諱而改之 毛詩疏

十一年 宋大水公使弔焉 問凶曰弔

公以金僕姑射南宮長萬 南宮氏萬名宋卿 並宋世家

十二年 秋八月宋萬弑其君捷 惠氏補注引賈逵云公羊穀梁曰接 萬

不書氏以未賜族 正義

弑閔公于蒙澤 蒙澤宋澤名也

宋世家注

二十一年 王子頹享五大夫樂及徧舞 徧舞皆舞六代

之樂也

鄭伯聞之見虢叔 鄭厲公突虢公林父也

並周本紀注

二十二年 春王正月肆大眚 以文姜為有罪故赦而後

葬以說臣子也魯大赦國中罪過欲令文姜之過

因是得除以葬文姜

正義

羈旅之臣 羈寄旅客也

陳世家注

使為工正 掌百工

齊世家注

莫之與京 京大也

筮之遇觀之否 坤下巽上觀坤下乾上否觀爻在

六四變而之否

並陳世家注

二十三年 士蔦曰去富子則羣公子可謀也 士蔦晉大夫

夫

二十五年 士蔦城聚處羣公子

聚晉邑

並晉世家注

二十九年 春新延廡 言新有故木言作有新木延廡不

書作所用之木非公命也

三十一年 秋七月齊人降鄆 鄆紀之遺邑

二十春城小穀 不繫齊者世其祿並正義

公築臺臨黨氏見孟任 黨氏魯大夫任姓孟任黨

氏之女魯世家注

閔二 吉禘于莊公 禘者遞也審遞昭穆遷主遞位

孫居王父之位禮記正義

其仲使卜齮賊公於武闈 卜齮魯大夫宮中之門

謂之闈

間於兩社為公室輔 兩社周社亳社也兩社之間

朝廷執政之臣所在並魯世家注

分之都城而位以卿 謂將下軍也

卜偃曰畢萬之後必大 卜偃晉掌卜大夫郭偃

遇屯之比辛廖占之日吉 震下坎上屯坤下坎上

比屯初九變之比辛廖晉大夫

晉侯使太子申生伐東山臯落氏里克諫 東山赤

狄別種里克晉卿里季也

君與國政之所圖也 國政正卿也

教之以軍旅 將下軍 並晉世家注

封衛于楚邱 楚邱衛地

僖公齊師宋師曹伯次于聶北救邢 此與襄二十

三年叔孫豹救晉次于雍榆二事相反言此是君

也進止自由彼是臣也先通君命

十有二月丁巳夫人氏之喪至自齊 殺子輕故但

貶姜並正義

公賜季友汶陽之田及費 汶陽費魯二邑魯世家注

二年秋九月齊侯宋公江人黃人盟于貫 江黃稱人

刺不度德善鄰恃齊背楚終為楚所滅正義正

晉侯假道于虞以伐虢 虞在晉南虢在虞南晉世家注

三齊侯與蔡姬乘舟于囿蕩公蕩搖也

爾貢包茅不入包茅菁茅包匭之也以供祭祀並齊

世家注

四夏許男新城卒不言於師善會王加禮若卒於

正義

死王事加二等于是有以袞歛死王事謂朝天子

以命用師袞歛上公九命服袞也補注

風馬牛不相及也風放也牝牡相誘謂之風書費誓疏

一作服注

五 號仲虢叔王季之穆也 虢仲封東虢制是也虢

叔封西虢虢公是也

正義正

六 晉侯使賈華伐屈 賈華晉右行大夫

九 里克丕鄭以三公子之徒作亂 丕鄭晉大夫三

公子申生重耳夷吾也

十 帝許我罰有罪矣弊于韓 弊敗也韓晉韓原並

世家注

十二 若節春秋 節時也

王曰舅氏余嘉乃勲 舅氏言伯舅之使也 並齊世家注

十三年 自雍及絳相繼 雍秦國都絳晉國都

十五年 改館晉侯饋七牢焉 諸侯饗餼七牢牛一羊

一豕一爲一牢也 並晉世家注

十六年 六鷁退飛過宋都風也 風起于遠至宋都高

而疾故鷁逢風却退 宋世家注

十七年 宋華子生公子雍 宋華氏之女子姓

雍巫有寵于衛共姬 雍巫雍人名巫易牙也 並齊世家

十九年 梁溝公宮 溝塹也 晉世家注

二十二年 鄭人入滑 滑姬姓之國

二十一年五月癸丑公會晉侯齊侯宋公蔡侯鄭伯衛子

莒子盟於踐土 踐土鄭地名在河內並周本紀注

天王狩于河陽 河陽晉之温也

二十三年狄人伐廡咎如 赤狄之別隗姓

出于五鹿乞食于野人 五鹿衛地

其辟君三舍 司馬法縱遯不過三舍三舍九十里

也

二十四年丁未朝於武宮 文公之祖武公廟也

緜上爲之田 緜上晉地

以旌善人

旌表也

並晉世家注

周公弔二叔之不咸 二叔管叔蔡叔傷其不和睦

而流言作亂故封建親戚

正義

王使伯服游孫伯如鄭請滑 二子周大夫

周本紀注

五年 晉侯請隧 闕地通路曰隧王之葬禮也

補注云杜

說依賈

與之陽樊温原攢茅之田 晉有功賞之以地

周本紀注

七年 使欒枝將下軍 欒枝欒賁之孫也

晉世家注

八年 晉侯及楚人戰于城濮 城濮衛地

齊世家注

子玉使宛春告晉師 宛春楚大夫

王命王子虎策命晉侯為侯伯賜之大輅之服彤弓

一彤矢百茲弓矢千秬鬯一卣虎賁三百人晉侯

三辭從命再拜稽首 王子虎周大夫也大輅金

輅彤弓赤茲弓黑也諸侯賜弓矢然後征伐秬黑

黍鬯香酒也所以降神卣器名諸侯賜圭瓚然後

為鬯天子卒日虎賁稽首至地 並晉世家注

二十九年介葛盧聞牛鳴而知其音 伯益曉是術 毛詩疏

三十一年猶三望 三望分野之星國之山川 正義服杜同

三十年遂壘以葬文公 壘變凶

晉世家注

不以纍臣豐鼓 殺而以其血塗鼓謂之豐鼓

毛詩疏

文公元年 楚國之舉恒在少者 舉立也

既又欲王子職而黜太子商臣 職商臣庶弟也

並楚

世家注

三年封殺尸而還 封識之

秦本紀注

五年春王正月王使榮叔歸舍且賄 舍賄當異人今

一人兼兩使故書且以譏之

正義

晉趙成子欒貞子霍伯曰季皆卒 欒貞子欒枝也

霍伯先且居也

六年 其子何震之有 震威也 並晉世家注

七年 正德利用厚生 正德人德利用地德厚生天德

補注

九年 晉人殺其大夫士穀及箕鄭父 箕鄭稱及非首

正義

十一年 冬十月甲午敗狄于鹹獲長狄僑如埋其首于

子駒之門 子駒魯郭門名也

司徒皇父帥師禦之邠班御皇父克石公子穀甥為

右司寇牛父駟乘以敗狄于長止獲長狄緣斯

喬如之祖並魯世家注

皇父之二子死焉

皇父與穀甥牛父三子皆死

正義正

齊王子城父獲其弟榮如 王子城父齊大夫

齊世家注

十三年

大室屋壞

皆以為太廟之室也

十七年

寡君又朝以歲陳事

歲勅也

服杜同

十八年

莒弑其君庶其

為君惡及國朝則稱國以弑

君惡及國人則稱人以弑

劉許杜同

謂之饗發

貪財為饗貪食為餐

服杜同並正義

遂出武穆之族 出逐也

宣公二年 宋人以文馬百駟贖華元 文狸文也 並宋家注

華元見叔牂曰子之馬然也對曰非馬也其人也

叔牂宋守門大夫華元既見叔牂牂謂華元曰子

見獲於鄭者是由子之馬使然也華元對曰非馬

自奔也其人為之也謂羊斟驅入鄭也 正義

于息于息 白頭貌 釋文

厚欽以彫牆 彫畫也

使鉏麇賊之 鉏麇晉力士 並晉世家注

三 年定王使王孫滿勞楚子 王孫滿周大夫 紀注

鑄鼎象物 象所圖物著之於鼎也 楚世家注

螭魅罔兩莫能逢之 周禮疏引本傳注云螭山神獸 魅怪物罔兩本石之怪又引文

十八年注螭山神獸或曰似虎而嗽虎或曰魅人面獸身而四足好惑人山林異氣所生為人害而賈服義與鄭異是說以賈服並言不辨孰為賈注也

載祀六百 載辭也祀年也商曰祀 楚世家注

鄭文公賤妾燕姑 姑南燕姓

余為伯儵余爾祖也 伯儵南燕祖

四 年公子宋與子家將見 二子鄭卿也 並鄭世家注

年十一 納公孫寧儀行父于陳 二子不繫之陳絕於

陳也惡其與君淫故絕之善楚有禮也正義

申叔時使于齊 叔時楚大夫

年十二 楚子圍鄭入自皇門 鄭城門

鄭伯肉袒牽羊以迎 肉袒牽羊為臣隸也並楚世家注

叔展曰有麥麴乎曰無有山鞠窮乎曰無 麥麴鞠

窮所以禦淫正義云賈逵有此言則相傳為此說也

年十五 夏五月宋人及楚人平 稱人眾辭善其與眾

同欲正義

伯宗曰不可 伯宗晉大夫

晉世家注

成公二年齊侯取龍遂南侵及巢工 魯殺盧蒲就魁不

與齊盟以亡其邑故諱不書

正義正

郤克請八百乘 八百乘六萬人

師至于靡笄 山名也

逢丑父為右 逢丑父齊大夫

入自邱輿擊馬陘 馬陘齊地也

並齊世家注

晉人使巫臣為邢大夫 邢晉邑

晉世家注

三年鄭伐許 鄭小國與大國力爭 諸侯仍伐許不稱

將帥夷狄之刺無知也

正義

晉作六軍 初作六卿僭王也

晉世家注

八年秋七月天子使召伯來賜公命 諸夏稱天王畿

內曰王夷狄曰天子王使榮叔歸舍且賙以恩深  
加禮妾母恩同畿內故稱王成公八年乃得賜命

與夷狄同故稱天子

十年居育之上膏之下 育鬲也心下為膏

正義云此賈逵之言

杜依用之

十一年 吾不以妾為妣 昆弟之妻相謂為妣

並正義杜注同

十三年 晉侯使呂相絕秦 呂相晉大夫

十五年 晉三郤害伯宗 三郤郤錡郤犇郤至也 並晉世家

注

十六年 有鞮韋之跗 注 一染曰鞮釋器云一染謂之

縑謂一入亦為淺赤色也

十七年 九月辛丑用郊 以為諸言用皆不宜用反於

禮者也 並正義

公遊于匠麗氏 晉外嬖大夫在翼者 晉世家注

襄公元年 夏五月晉韓厥荀偃帥諸侯之師伐鄭入其郛

謂帥宋衛滕薛伐鄭齊魯曹邾杞次于鄆故諸侯  
之師不序也入鄆不書者晉人先以鄭罪命於諸  
侯故書伐鄭入鄆既敗鄭不復告故不書

三  
年使鄧廖帥組甲三百被練三千 組甲以組綴甲

車士服之被練帛也以帛綴甲步卒服之凡甲所  
以為固者以盈竅也帛盈竅而任力者半卑者所

服組盈竅而盡任力尊者所服 並正義

揚于亂行于曲梁 行陳也 晉世家注

四年后羿恃其射也 羿之先祖世為先王射官故帝

嘗賜羿弓矢使司射淮南子云堯時十日並出堯使羿射九日而落之楚辭天問云羿焉彈日烏焉解羽歸藏易亦云羿彈十日也言雖不經難以取信要言嘗時有羿堯時有羿則羿是善射之號非

復人之名乎正義

九年穆姜薨于東宮始往而筮之遇艮之八艮下艮

上周禮大卜掌三易然則雜用連山歸藏周易二

易皆以七八為占故言遇艮之八正義云言亦無所據賈逵先儒

相傳云

國君十五而生子冠而生子

補注云賈服說多以爲人君禮十二而冠

十四使師曹誨之琴 師曹樂人

入見蘧伯玉 伯玉衛大夫

並衛世家注

十六三月戊寅大夫盟 不曰諸侯之大夫者刺夫

夫之臣也言惡大夫專而君失權

十九公至自伐齊 圍齊而致伐以策伐勲也

取邾田自漣水歸之于我 言刺晉偏而魯貪

並正義

遂東太子光 往之東垂也

齊世家注

二十陳侯之弟黃出奔楚 以爲稱名罪其偪

二十一年 此年仲尼生 並正義

二十二年 樂盈率曲沃之甲 曲沃樂盈之邑 齊世家注

啓牢成肱商子車 左翼曰啓右翼曰肱 正義云賈逵爲此言

或當有成文也

齊侯遂伐晉入孟門登大行 朝歌晉邑孟門大行

皆晉山隘也 齊世家注

八月叔孫豹帥師救晉次于雍榆禮也 禮者言其

先救後次爲得禮也 正義

二十五年 晏子立於崔氏之門外 聞難而來 齊世家注

度山林鳩數澤辨京陵表淳鹵數疆潦規偃豬町原  
防牧隰臯井衍沃 淳鹵也 疆疆築堦墉之地下  
平曰衍有漑曰沃 此爲賦稅差品山林之地九  
夫爲度九度而當一井也蔽澤之地九夫爲鳩八  
鳩而當一井也京陵之地九夫爲辨七辨而當一  
井也淳鹵之地九夫爲表六表而當一井也疆潦  
之地九夫爲數五數而當一井也偃豬之地九夫  
爲規四規而當一井也原防之地九夫爲町三町  
而當一井也隰臯之地九夫爲牧二牧而當一井

也衍沃之地畝百爲九九夫爲井

二十六年欒范易行以誘之 欒爲將范爲佐二人分中

軍別將之欲使欒與范易道令范先誘楚欒以良卒從而擊之

二十七年秋七月辛巳豹及諸侯之大夫盟于宋 叔孫

義也魯疾之非也 並正義

慶封告盧蒲癸 癸齊大夫慶封之屬 齊世家注

二十九年吳子使札來聘 新卽位使來通聘 正義

猶未也 言未有雅頌之成功也

日美哉淵乎 淵深也

吾聞衛康叔武公之德如是是其衛風乎 康叔遭  
管叔蔡叔之難武公懼幽王褒姒之憂故曰康叔  
武公之德如是

歌鄭 鄭風東鄭是

歌幽曰美哉蕩蕩乎樂而不淫 蕩然無憂自樂而  
不荒淫也

歌魏曰美哉溥溥乎大而婉儉而易行以德輔此則  
盟主也 其志大直而有曲體歸中和中庸之德

難成而實易行故曰以德輔此則盟主也

歌頌曰至矣哉 言道備至也

見舞象箛南籥者 象文王之樂武象也箛舞曲也  
南籥以籥舞也

見舞大武 大武周公所作武王樂也

見舞韶護者曰聖人之弘也 韶護殷戒湯樂大護  
也弘大也

見舞大夏 夏禹之樂大夏也

如天之無不燾也 燾覆也

夫子獲罪於君 夫子孫文子也獲罪出獻公以戚

畔也

君在殯 衛君獻公棺在殯未葬 並吳世家注

三十 以羸諸侯 正義云賈服註皆讀為盈盈是蒲故皆訓為受

昭公元年 三月取鄆 楚以伐莒來討故諱伐不諱取

周有徐奄 徐卽淮夷 並正義

居于曠林 曠大也

后帝弗臧 后帝堯也臧善也

遷闕伯於商邱主辰 商邱在漳南

唐人是因服事夏商 唐人謂陶唐氏之胤劉累也

事夏帝孔甲封于大夏因實沉之國子孫以服事

商也

邑姜方娠太叔夢帝謂已 帝天也已武王也

宜汾洮 宜猶通也汾洮二水也

沈妣蓐黃實守其祀今晉主汾而滅之 四國臺駘

之後也滅之謂滅四國

並鄭世家注

則水旱癘疫之災於是乎崇之

營攢用幣

正義云杜依用

之

風淫末疾 末疾首疾謂風眩也

二年 民人痛疾而或燠休之 燠厚也休美也 並正義

四年 成有岐陽之蒐 岐陽岐山之陽

夏 桀為仍之會有緝叛之 仍緝國名也 並楚世家注

五年 叔禽叔椒子羽 皆韓起庶子 正義云杜依用之

七年 秋王正月暨齊平 謂魯與齊平 服虔云襄二十四年仲孫羯侵

齊二十五年崔杼伐我自爾以來齊魯不相侵伐其齊是大國無為求與魯平此六年冬齊侯伐北

燕將納簡公齊侯貪賄而與之平故傳言齊求之也齊次于虢燕人行成其文相比許君近之 按

服注脫載此條補錄於此

好以大屈 大屈寶金可以為劍大屈金所生地名

其神化為黃熊 熊獸也 並正義

八年葬陳哀公 正義云賈服以葬哀公之文在殺孔魚之下以為楚葬哀公

陳氏得政于齊而後陳卒亡 物莫能兩盛

自幕至瞽聵無違命 幕舜後虞思也至于瞽聵無

聞違天命以廢絕者 並陳世家注

九年夏四月陳災 愍陳不與楚故存陳而書之言陳

尚為國也 正義

辰在于卯謂之疾日 桀以乙卯亡紂以甲子喪惡

以為戒

注補

十一 五大不在邊 五大謂天子母弟貴寵公子公

孫累世正卿也

鄭眾云天子晉申生居曲沃是也母弟鄭太叔段居京是也貴寵公

子若棄疾在蔡是也貴寵公孫若無知食渠正

十二 晉伐鮮虞 正義云賈逵取穀梁傳說

析父謂子革 析父楚大夫

楚世家注

祭公謀父作祈招之詩 祈求也昭明也言求明德

也 正義

十三 使為卜尹 卜尹卜師大夫官

初共王與巴姬密埋璧于大寶之庭 巴姬共王妾  
齊桓公有莒衛以爲外主 齊桓公出奔莒自莒先  
入衛人助之

晉文公有先大夫子犯子餘以爲腹心 子餘趙衰  
有齊宋秦楚以爲外主 齊以女妻之宋贈之馬楚  
享以九獻秦送內之

有欒郤狐先以爲內主 四姓晉大夫

並楚世家注

鄭伯男也 男當作南謂南面之君也

年十七五雉爲五工正 西方曰鷩雉攻木之工也東

方曰鷓雉搏埴之工也南方曰翟雉攻金之工也  
北方曰鷓雉攻皮之工也伊洛而南曰翬雉設五  
色之工也

九扈爲九農正 春扈分循相五土之宜趣民耕種  
者也夏扈竊玄趣民耘苗者也秋扈竊藍趣民收  
歛者也冬扈竊黃趣民蓋藏者也棘扈竊丹爲果  
馵鳥者也行扈喑喑晝爲民馵鳥者也宵扈嘖嘖  
夜爲農馵獸者也桑扈竊脂爲蠶馵雀者也老扈  
鷓鷃趣民收麥令不得晏起者也

並正義

十九年 札瘥天昏 大死曰札小死曰瘥短折曰夭未

名曰昏

正義云此皆賈逵言也

二十二年 夏曹公孫會自鄴出奔宋 前此以鄴叛也叛

便從鄴而出叛不告故不書

正義

乃見鱗設諸焉

鱗諸吳勇士

吳世家注

賓將擲

周禮疏云謂行夜不作趣者彼賈服讀字與杜子春異

琴張聞宗魯死

琴張子張即顓孫師

八風 兌為金為闐闐風也乾為石為不周風也坎

為葦為廣莫風也艮為匏為融風也震為竹為明

庶風也巽為木為清明風也離為絲為景風也坤為土為涼風也

二十一年宋華亥向寧華定自陳入于宋南里以叛 書

入華邇兄弟作亂召而迎之

並正義

師已日文成之世 師已魯大夫文成魯文公成公

魯世家注

二十二年王子朝有寵于景王 子朝景王之長庶子

王與賓孟說之欲立之 賓孟子朝之傅也王愛子

朝因愛其傅故朝起並有寵於景王也與賓孟共

談說之欲立朝為太子正義

王弗應正義云賈逵以為太子壽卒景王不立適子鄭眾以為壽卒王命猛代之後欲廢猛立朝

服虔以賈為然杜從鄭說

敬王即位 敬王猛母弟周本紀注

二十三年 戊辰吳敗頓胡沈蔡陳許之師于雞父 不國

國書師惡其同役而不同心正義

王師在澤邑 澤邑周地周本紀注

乃使各居一館 使邾魯大夫各居一館

戊辰晦戰于雞父 泲之戰譏宋襄故書朔鄆陵之

戰譏楚子故書晦雞父之戰夷之故不書晦

明其伍候 五候五方之候也敬授民時四方中央

之候

二十四年仲孫矍卒 是歲孟僖子卒屬其子使事仲尼

仲尼時年三十五 並正義

二十五年秋七月上辛大雩季辛又雩 正義云此書二雩者上辛雩而得雨

雨少尋卽爲旱故季辛又雩傳曰秋書再雩見其

也是言前雩少得雨旱甚而復雩故賈云上辛不

民有好惡喜怒哀樂生于六氣 好生於陽惡生於

陰喜生於風怒生於雨哀生於晦樂生於明毛詩疏又

引賈服說云風東方雨西方陰中央晦北方明南方惟天陽不變疑當屬此文下

季氏介其雞 搆芥子為末播其雞翼可以至廊氏

雞目並正義

臧昭伯之從弟會 昭伯臧孫賜也

公使邠孫迎孟懿子 懿子仲孫何忌並魯世家注

公徒釋甲執冰而踞 冰櫝九蓋也正義

二十六年申豐從女賈 申豐女賈魯大夫

粟五千庾 十六斗為庾五千庾八萬斗並魯世家注

二十七年使公子掩餘公子燭庸帥師圍潛 二子皆王

僚母弟

正義云賈逵云然當時相傳說耳

左司馬沈尹戌帥都君子與王馬之屬以濟師 都

君子在都邑之士有復除者今之律令猶名放課

役者為復除

正義

此時也不可失也

時言可殺王時也

吳世家注

上國有言曰 上國中國也

一見釋文

鉞交於胸 交鱗諸胷也

吳世家注

二十八年貪恠無厭忿類無期謂之封豕 恠者食也其

人貪財利飲食無知屢足忿怒狼戾無有期度時

人謂之大豬正義

二十九年鬱湮不育 鬱滯也湮塞也正義云賈逵云然杜用之也

參龍氏 參餐也穀食曰參補注

木正曰句芒火正曰祝融金正曰蓐收水正曰玄冥

土正曰后土 句芒總言萬物句芒 夏陽正明照

祝甚也融明也 句芒祀於戶祝融祀於竈蓐收

祀於門玄冥祀於井后土祀於中霤

世不失職遂濟窮桑 濟度也言四叔子孫世不失

職遂渡少皞之世處窮桑以登爲帝故天下號之

曰窮桑

烈山氏之子曰柱爲稷 烈山炎帝之號

三十二年 公在乾侯取鬪 昭公得鬪季氏奪之不用師

徒

冬仲孫何忌會晉韓不信齊高張宋仲幾衛世叔申

鄭國參曹人莒人薛人杞人小邾人城成周 魯

有昭公難故會而不盟 並正義

越得歲而吳伐之必受其凶 以吳先用兵故反受

其殃

正義云賈逵云然杜用之也

定公三年

公如晉至河乃復

刺緩朝見辭失所不諱罪

已

正義

成公有兩肅爽馬

正義云爽或作霜

色如霜紈

四年

管蔡啓商碁間王室

碁毒也間亂也

正義云賈逵云然是

相傳

訓也

王使執燧象以奔吳師 燧火燧也象象獸也以火

繫其尾使奔吳師驚却其衆使王得脫

正義

五年申包胥以秦師至自稷會之

稷楚地也

楚世家注

六年文之舒鼎成之昭光 舒鼎鼎名昭兆寶龜

七年九月大雩 旱也

八年主人出師奔 主人出魯師奔走而卻退言魯無

戰備也

於是始尚羔 周禮公之孤四命執皮帛卿三命執

羔大夫再命執鴈魯廢其禮三命之卿皆執皮帛

至是乃始復禮尚羔

九年載蔥靈 蔥靈衣車也有蔥有靈

十年不以三百乘從我者有如此盟 不書盟諱以三

百乘從齊師並正義注

十四年於越敗吳于檣李檣李越地吳世家注

梁嬰父嬖于知文子梁嬰父晉大夫

三臣始禍范中行趙也並晉世家注

使死士再禽焉死士死罪人也吳世家注

衛侯為夫人南子召宋朝南子宋女

太子謂戲陽速戲陽太子家臣並衛世家注

哀公元年吳王夫差敗越于夫椒夫椒越地

保于會稽會稽山名

昔有過澆殺斟灌以伐斟尋滅夏后相 過國名也  
斟灌斟尋夏同姓也夏后相依斟灌而國故曰殺  
夏后相也

后緡方娠逃出自竇歸於有仍生少康焉 緡有仍  
之女也有仍國名后緡之家

少康奔有虞有虞娶之以二姚而邑諸綸有田一成  
有衆一旅 有虞帝舜之後綸虞邑方十里爲成  
五百人爲旅

不失舊物

物職也

並吳世家注

二年子南僕 僕御也

六年齊晏圉來奔 圉晏嬰之子 齊世家注

夏書曰惟彼陶唐帥彼天常 正義云賈服皆不見古文以為逸書

八月齊郟意茲來奔陳僖子使召公子陽生 正義云賈逵以

傳文相連謂遺意來召又怪其日月錯誤云其說未聞

闕止先待諸外 闕止子我也

使遷孺子於駘 駘齊邑 並齊世家注

七年周之王也制禮上物不過十二 周禮王合諸侯

享禮十有二牢上公九牢侯伯七牢子男五牢 吳世

家注

曹人夢衆君子立於社宮 社宮社也

背晉而姦宋 以小加大 並曹世家注

十一 公孫夏命其徒歌虞殯 虞殯遺殯歌詩 正義

胡簋之事 正義云賈服等註此傳皆云夏曰胡杜亦同之

十二 昭夫人孟子卒昭公娶於吳故不書姓 言孟

子若言吳之長女也 正義

十三 吳王惡其聞也 惡其聞諸侯

乃先晉人 外傳曰吳先軟晉亞之先叙晉晉有信

又所以外吳並吳世家注

十四年春西狩獲麟 孔子自衛反魯考正禮樂修春

秋約以周禮三年文成致麟麟感而至取龍為水

物故以為修母致子之應正義云賈逵服虔穎容等說

小邾射以句繹來奔正義云賈逵亦云此下弟子所記

春西狩于大野 周在西明夫子道繫周正義

諸御執言於公 執齊大夫也

陳豹欲為子我臣使公孫言已 豹陳氏族也公孫

齊大夫

豐上人執之以告 豐上陳氏邑

陳恒執公于舒州

舒州陳氏邑

並齊世家注

十五年稱姻妾以告

婚姻家妾也

太子與五人介與貍從之 介被甲也與貍豚欲以

盟

季子入遇子羔將出 子羔衛大夫高柴孔子弟子

也將出奔

不及莫踐其難 言家臣憂不及國不得踐履其難

並衛世家注

家注

十六年 白公以王如高府 高府府名 楚世家注

十七年 紫衣狐裘 紫衣君服 正義云賈逵云然杜從之

其繇曰如魚窺尾衡流而方羊裔焉 窺赤色魚勞

則尾赤橫流方羊不能自安裔水邊言衛侯將若

此魚 正義云賈逵之說在用之也

公登城以望見戎州 戎州戎人之邑 衛世家注

二十二年 越使吳王居甬東 甬東越東鄙甬江東也 吳世家注

注家

二十七年 君臣多間 間隙也 魯世家注